



LETT TUR



LITT KREVJANDE



SVÆRT KREVJANDE

TOPP 1 LAUVVIKTOPPEN 993 M.O.H.

Frå Dalen, køyr i retning Åmdals Verk. Når du kjem til Svingen er det oppmerka parkering til venstre etter at du har passert avkøyringa til Skafså kyrkje. Turen går på merka sti, gjennom skog og myrterreng.

Distanse: 6 km t/r Stigning: ca. 480 høgdemeter

TOPP 2 BERHOMSFJELLET 1223 M.O.H.

Parkering: Ved Hallbjønnsekken Høyfjellsenter. Følg grusveg i byrjinga til toppen av hyttefeltet ved skiheisen. Følg så raudmerka sti forbi øverste heisbu til toppen av slalåmbakken. Stien fortsett til du kjem opp på eit høgdedrag. Følg så høgdedraget vestover til du startar på ny stigning, seiste 100 høgdemeter. Du finn klype og bok, i **T** merka postkasse på varden. Turen tek cirka 4-5 timar.

Grunna jakt er det ynskje om minst mogleg trafikk mellom 23/9 – 1.10.

Distanse: 10 km t/r Stigning: ca. 400 høgdemeter

TOPP 3 VEGGINE 1032 M.O.H

Frå Dalen: køyr retning Setesdal. Parkering: På sørisida av Rv. 45, cirka 4 km etter Grimdalstunet. Lett terreng med jamn stigning og tydeleg sti. Før ein kjem til toppen av høgdedraget før Breivatn, tek ein av nordvest og oppover etter raudmerking og pilskilt. Følg så høgdedraget nordover til ein tydeleg varde på 1032 m.o.h. Nabotoppen, 500 m sørvest for Veggine har same høgde og er verdt eit besøk. Turen tek cirka 4-5 timar.

Distanse: 10 km t/r Stigning: ca 250 høgdemeter

TOPP 4 KVANNEFJELLET 1537 M.O.H.

Køyr til Byrte, ta av inn Byrtedalen. Køyr inn til Ormekvålen og parker der (ved bommen). Dei to første km går etter veg. Følg deretter **T**-merka sti inn gjennom Byrtedalen. Ta av stien i Brekka (følg skilting). Stien svingar seg så opp lia på sørsida av dalen mot toppunktet. Følg nøye med på merkinga, då det ikkje er tråkka sti heile vegen. Det vil vere merka med gult/raudt ut frå turistforeningens sti. Følg sama vegen tilbake.

Distanse: 20 km t/r Stigning: ca. 750 høgdemeter Bompengar: 40 kr

TOPP 5 KALDDALSPIGGEN 1233 M.O.H.

Start ved Futevegen i Mo, fygj Futevegen til traktorvegen sluttar. Kryss bekken og følg merka trase` til Ribbesbakke. Her går ein vest for hyttene opp Ribbesbakke. Følg nøye med på merkinga gjennom fleire stikryss. Ta av stien om lag 100 m før hytta på Myrbu og følg lia oppover. Når du ser oppover lia vil ein sjå ein loddrett fjellvegg i grensa mellom bjørkeskog og snaufjell. Hald deg aust for denne, til du kjem på høgde med den, då dreier du vestover og oppover mot toppen på 1233 m.o.h.

Distance: ca. 6,5 km t/r Stigning: ca. 700 høgdemeter

TOPP 6 TRISETNIBBA 669 M.O.H.

Frå fv. 802 sving av ved skiltet som er merka med Djuve. Følg Knut Askjes veg ca. 1,5 km og ta til høgre i vegkrysset. Etter ca. 700 m kjem du til Køsi der du parkerer. Følg den merka stien mot Flekstveit. Etter ca. 650 meter er du på Trisetnibba.

Distance: ca. 1,3 km t/r Stigning: ca. 150 høgdemeter

TOPP 7 GLØSTØYLNUTEN 848 M.O.H.

Ta av frå Støylsdalen (fv 804) inn vegen som er skilta til Lårdalstigen. Parker i enden av vegen der traktorvegen byrjar. Følg traktorvegen og merkinga vidare. Ta av frå traktorvegen og inn på sti merka Kapteinrenna. Når du kjem til Lårdalstigen ta til venstre og følg stien til du kjem til Gløstøylnuten; høgste punkt på Lårdalstigen. Turen kan gåast både frå Lårdal og Eidsborg.

Distance: 5,8 km t/r Stigning: ca. 350 høgdemeter

TOPP 8 EIREFJELL 1023 M.O.H.

Parker på parkeringsplassen ved svingen etter Smørklepp (fra Dalen). Gå langs hovudvegen i retning Høydalsmo, ta av inn til venstre og følg skiltinga. Tydeleg sti og raudmerking heile vegen. Stien går gjennom myr og skogbotn, noko ur og ulendt når ein nærmar seg toppen.

Distance: 8,4 km t/r Stigning: ca. 400 høgdemeter

TOPP 9 OFTEFJELL 921 M.O.H.

Parkering ved Oftebui i Høydalsmo sentrum. Stien går over jordet bak Oftebui. Hugs å late att grinda og ta omsyn til dyra. Følg så stien gjennom skog og myrterreng. Tydeleg sti heile vegen og jamn stigning. Dei siste 500 m før toppen er det noko ulendt over ur.

Distance: 4,5 km t/r Stigning: ca. 350 høgdemeter

TOPP 10 VISÅSSKARVET 892 M.O.H.

Parkering i Eidsborg ved Vest-Telemark museum (**ikkje i tunet på Bergeli**). Følg vegen og raudmerkinga mot Rui/Dalen inn til Espelidtjønn. Gå til venstre i kryss på toppen av fyrste bakken. Gå gjennom gardstunet på Bergeli og følg merkinga etter traktorslepa til toppen. Jamn stigning gjennom myr og skogterreng. Traktorslepa slutter ca 300 m før toppen. Fortsett vidare opp skaret, ta til høgre når du kjem opp skaret og følg så høgdedraget ut til toppen. Ned att gjeng du på framsida ut mot Dalen som også er merka. Då kjem du ned før gardstunet på Bergeli og gjeng den same grusvegen ut att.

Distance: ca. 8 km rundtur Stigning: ca. 450 høgdemeter

TOPP 11 **PIGGNUTEN** **910 M.O.H.**

Køyr til Åmdals Verk og følg skilting til gruvene. Parker på parkeringsplassen ved gruvemuseet. Følg grusvegen eit lite stykke sørvest mot steintippen/grunnvatn, ta deretter til venstre i sørleg retning forbi ein steintipp, samt gruveinngangar på venstre side og drei sørvest igjen og inn på ein tydeleg raudmerka sti i skogen. Følg stien opp til Kvilefura der Åmdal IL har ei postkasse. Følg vidare raudmerking over ei myr og rett over ein skogsbilveg og vidare i retning sørover til du ser rett ned på Åmdalsgardane. Følg vidare merking inn i skogen og mot Bratterudbekken. Du kjem etter kvart til eit flatare parti der stien deler seg (pilmmerking). Følg deretter blå merking og gå over Bratterudbekken. Du er no i Liarskardet. Deretter går løypa eit stykke i sørleg retning i eit flatare terreng. No kjem ei stigning som er brattast i starten og som deretter fortsett jevnt og trutt oppover i eit terreng med god utsikt nord- og østover. Løypa dreier etter kvart litt meir i vestleg retning att, langs ei rist, heilt til toppen. Turen tek cirka 2-3 t tur/retur.

Distanse: ca. 6 km t/r **Stigning: ca. 435 høgdemeter**

TOPP 12 **VIKANIBBA** **484 M.O.H**

Parker ved DALEN bokstavane i Skafsåberget. Gå over autovernet i svingen nedanfor. Merka med T og 10-Toppar skilt. Følg raudmerking til toppen. Postkassa står på baksida av toppen, der er det best utsikt.

Distanse: ca. 2 km t/r **Stigning: ca. 100 m**

TOPP 13 **VORNUTEN** **1026 M.O.H.**

Køyr Kvålsgrendvegen (tek av frå E134 til Fjøddegrendi, som ligg omlag 750 m.o.h. Frå Høydalsmo kyrkje til Fjødde er det 8 km Denne grendi vart fråflutt på 1950-talet. Derifrå går du langs traktorveg og stigar forbi Uddedalstjønne og Stavatjønne. Der følger du vegen mot Myklevatn, forbi Myklekvæven, og skrå oppover mot Vornuten, 1026 m.o.h. Her er det i fint ver storslege utsyn til alle leider.

Distanse: ca. 9 km t/r **Stigning: ca. 276 høgdemeter** **Bom: 50,-**

TOPP 14 **ØRNENIBBA** **800 M.O.H.**

Ein topp med lett tilgjenge og godt utsyn over Byrte. Sving av til Håtteit i Mo, køyr cirka 2 km, her er det bom. Køyr deretter cirka 4 km til Bugarden, parker her, like før du kjem til støylen Nivelkving. Følg deretter traktorveg vidare til Deildemyr, og gamal hesteveg til Åvedalen vidare over Nystølyskaret. Frå skaret går du ned til Nystøl og på nordsida av Nystøyltjønna, følg merking. Kryss bekken 100 meter frå utløpet av Nystøyltjønna og gå 30 meter opp på Ørnenibba ar det. **I starten av elgejakta (rundt 25/9), er det eit sterkt ynskje, at det ikkje blir gått tur hit. Det blir hengt opp skilt når det er jakt.**

Distanse: ca. 5 km t/r **Stigning: ca. 165 høgdemeter** **Bom: 50,-**

TOPP 15 **BRATSBERGNUTEN** **652 M.O.H.**

Parkering ved Austheii Grendehus om lag 2,5 km frå Krossli i retning Bandakslid. Turen er oransje/raud merka og går i skog og myrterreng. Lett stigning med nokre litt brattare parti mot slutten. Flott utsikt på toppen mot Bandak og Lårdal i nord, Austheii i vest og Hauggrend i sør. Om ein vil kan ein ta turen som ei rundløype og tilbaketuren går då i store trekk på gamle vegar attende til parkeringa.

Distanse: ca. 8 km t/r. **Rundtur: ca. 9 km.** **Stigning: ca. 300 høgdemeter**

TOPP 16 **TJØRNEVIKFJELLET** **1090 M.O.H.**

Parker 7,7 km vest for Hallbjønnsekken Høgfjellsenter, på parkeringsplassen på sørsidag av RV 45. Følg oransje merking forbi eit sauegjerd og vidare oppover ein sti, under høgspenteledningar, over eit flatare og meir myrete parti. Ferda går vidare i eit brattare terreng oppover langs eggen på Tjørnesvikfjellet.

Distanse: 6 km tur/retur. Stigning: ca. 300 høgdemeter

TOPP 17 **NIPEN** **841 M.O.H.**

Parker ved låven på Flatland i Støylsdalen (Fv 804). Følg traktorvegen som går mot Krossdalen/Røynestøyl. Der traktorvegen delar seg er det merka fram til Nipen.

Distanse: 5 km t/r Stigning: ca. 250 Høgdemeter

TOPP 18 **RAUDSINUTAN** **1068 M.O.H.**

Køyr frå Høydalsmo mot Øyfjell. Ta av mot Sandvik. Parker ved Nestebø/ Ljosdalsvatnet. Hugs å steng legrindane. Følg raudmerking. Gå opp forbi Ljosdal på grusveg og vidare forbi Tykve på sti. Her tek du av til venstre opp mot toppen.

Distanse: 6 km Stigning: cirka 450 høgdemeter Bompengar: 30 kr.

TOPP 19 **HAMAREN** **356 M.O.H**

Gå opp trappene til Rui plassen. Følg raudmerka sti og skilt mot Eidsborg. Etter 2 Eidsborg skilt ser du skilt mot Hamaren. Gå ned til du ser **T** merket på toppen av turen.

Distanse: Ca 3 km t/r Stigning: ca 300 høgdemeter

TOPP 20 **HEIBERGET** **700 M.O.H**

Turen til Heiberget startar ved ein traktorveg som tek av til venstre rett etter Tønsbergkrysset når du kjem frå Dalen, like før den vesle brua. Her finn du skilt mot Heiberget og 10-Toppar. Følg traktorvegen og raud merking oppover mot Bjønnemyr. Om lag halvvegs kryssar du ei elv, og rett etterpå kjem eit kryss der du tek til venstre – dette er godt merka med ein raud T. På toppen av Bjønnemyr tek du til venstre etter ei hytte – her følgjer du 10-Toppar-skilt vidare oppover. Resten av turen går på ein tydeleg, bratt sti med både raude og blå merker. Dei blå merkene er del av den nasjonale turstien "Siddisstien", som går heilt frå Oslo til Stavanger! Turen er ca. 3,5 km lang og har ei stigning på 590 meter. Me anbefalar å gå same vegen tilbake, men du kan også bli henta på toppen, eller gå Vikavegen og Skafsåberget tilbake til Dalen – då blir turen ca. 8 km frå toppen, og 11,5 km totalt.

Distanse: ca 7 km t/r Stigning: ca 590 høgdemeter.